

Ullormut oqaluuserisassanut nassuiaat.

(Inatsisartut Siulittaasoqarfiat)

Aningaasaqarnikkut ingerlatsineq pillugu nalunaarut ulloq 30. september oqaluuserisassanngortinneqarpoq.

Immikkoortoq 89, Kulturikkut eriagisassat eqqissisimatitaanerat pillugu Inatsisartut inatsisaata nr. 18, 19. november 2007-imeersup allanngortinneranik inatsisartut inatsisissaattut siunnersuut Naalakkersuisunit tunuartinneqarpoq.

Immikkoortoq 82-ip, tassalu Naalakkersuinikkut sulinermut aningaasatigut tapiissuteqartarneq pillugu Inatsisartut inatsisaata allanngortinneqarneranik Inatsisartut inatsisissaattut siunnersuutip (Partiit aningaasaqarnerisa Inatsisartut allaffeqarfiata missingersuutaanit immikkoortinneqarnerat) UKA 2009-mi oqaluuserisassanut ilanngunneqarnissaa Suleriaaseq pillugu Ataatsimiititaliap akueraa.

Immikkoortoq 82-ip siullermeerneqarnissaa maanna ulloq 7. oktoberimut kinguartinneqarpoq, siunnersuutip aappassaaneerneqarnissaa 16. oktober pisussanngortinneqarluni pingajussaaneerneqarnissaalu 23. oktober pissalluni.

Immikkoortoq 87-ip, tassalu sakkut imassaat ataatsimoortut pillugit nunat tamalaat isumaqatigiissutaannut Danmarkip akuersissuteqarneranut Kalaallit Nunaanni Namminersorlutik Oqartussat akuersinissaannut Inatsisartut aalajangiiffigisassaattut siunnersuutip siullermeerneqarnissaata kinguartinneqarnissaa Naalakkersuisut qinnutigaat. Immikkoortoq ulloq 21. oktober siullermeerneqassaaq ullorlu 18. november aappassaaneerneqassalluni.